

Kalaallit Nunaanni sullivinnik nalilersuinerit pillugit nalunaarut

Kalaallit Nunaanni sullivinni avatangiisit pillugit inatsimmi, tak. Inatsimmik nalunaarut nr. 1048, 26. oktober 2005-imeersoq, § 11 a, § 56 aamma § 67 naapertorlugit aalajangersarneqarput:

Kapitali 1

Atuuffi

§ 1. Nalunaarut atuutissaaq sulisitsisumi sulinernut, tak. Kalaallit Nunaanni sullivinni avatangiisit pillugit inatsimmi §§ 2-3 a.

Imm. 2. Nalunaarut atuutsinneqassanngilaq,

1) sulisitsisup namminerisatut angerlarsimaffiani sulinermi, aamma

2) sulineq, sulisitsisup ilaqutaani, illumi inoqutigiinnut ilaasunit taamaallaat ingerlanneqartoq.

Kapitali 2

Sullivinnik nalilersuineq

§ 2. Suliffeqarfimmi isumannaallisaanermut peqqissutsimullu pissutsinik allakkatigut sullivimmik nalilersuinermik suliaqartoqarnissaanik sulisitsisoq isumaginnissaaq, ingammik sullivinnik nalilersuinermik ersarinnerusumik pilersaarusiornermut, aqqissuussinermut suliamillu naammassinninnermut atatillugu allakkatigut suliamik isumaginneriaatsip isumannaarnissaa siunertarineqarluni, aammalu tamatuma inernerisaata takusassiarineqarnissaa isumannaarneqassalluni, § 3, imm. 5 inn. Sullivinnik nalilersuinerit qarasaasiami ilusilikkatut suliarineqarsinnaapput.

Imm. 2. Sullivinni pissutsit tamaasa sullivinnik nalilersuinermit ilanngunneqarnissaat isumannaarniarlugit sullivimmi isumannaallisaaniaqatigiit sullivimmik nalilersuinermit pilersaarusiornermut, aqqissuussinermut, suliamik naammassinninnermut malitseqartitsinermullu tunngasutigut ilanngunneqarlutillu aqqusaagassani tamani peqataatinneqarnissaannik sulisitsisuusoq isumaginnissaaq. Sullivimmik nalilersuinermit uppersaammik atsiuisoqarneratigut isumannaallisaaniaqatigiit ilanngunneqarsimanerinek isumannaallisaaniaqatigiit tungaannit uppersaateqartoqassaaq.

Imm. 3. Sullivinni isumannaallisaaniaqatigiinnik pilersitsivigisassaanngitsuni sulisuusut assingusumik sullivimmik nalilersuinermit ilanngunneqassapput, tak. imm. 2.

§ 3. Sullivimmik nalilersuineq suliap suunera, teknikkikkut atortorissaarutit, akuutissat atortullu, suliffimmi suleriaatsit suliamilu aqqusaartakkat, suliffigisap aqqissugaanera, kiisalu suliffiusup angissusaa

aaqqissuunneqarneralu sianigalugit suliarineqassaaq.

Imm. 2. Ilanngussaq 1-imi pinaveersaartitsinermik tunngaviit nalunaarneqartut najoqqutaralugit sullivimmik nalilersuineq sullivimmi avatangiisini ajornartorsiutitut sullivimmiittunut isummersuummik qanorlu aaqqiivigineqarnissaannik imaqaassaaq. Pisariaqartinneqartutut aaqqiissutissat sullivimmik nalilersuinnermut nalunaarneqassapput.

Imm. 3. Periutsimik sorlermik atugaqarluni sullivimmik nalilersuinnermik suliaqartoqassanera sulisitsisup nammineq toqqarsinnaavaa. Taamaattorli periutsimi toqqakkami nalilersuinnerup makkuninnga imaqartinnissaa isumannaarneqassaaq:

1) Suliffiup sullivimmi avatangiisaani pissutsinik suussusersillunilu erseqqissaaneq, tassunga ilanngullugu sulliviup avatangiisaani ajornartorsiuteqarnerisooq, kiisalu ajornartorsiutit suussisii annertussusaallu.

2) Aaqqiissutissat pisariaqartitat aallarnisarnissaannut suliffiup sullivimmi avatangiisiini ajornartorsiutaasut nassuiarneri nalilernerilu, tassunga ilanngullugit ajornartorsiutit suussusii, pingaaruteqassusii annertussusiilu, kiisalu ajornartorsiutitut patsisaasut.

3) Suliffiup sullivimmi avatangiisiini ajornartorsiutaasut imaaliiallaannaq aaqqiivigineqarsinnaanngitsut aaqqiiviginissaannut periusissatut pilersaarutit tulleriaarfiginera inissitsiternalu. Ajornartorsiutit paasineqartut aaqqiivigineqarnissaannut qanoq tulleriaarlugillu qanoq akulikissuseqarnissaat pilersaarummi allassimassaaq.

4) Periusissatut pilersaarummi qanoq malitseqartitsinissamut malittarisassat, tassunga ilanngullugu pilersaarutit piviusunngortinnissaannut kia akisussaassuseqarnera, kiisalu periusissanik aallarnikkanik nakkutiginninnermik misissuinnermillu qaqugukkut qanorlu pisoqartarnissaa, kiisalu aaqqiissutissatut aallartinneqartut naammanneri, periusissatullu pilersaarut iluarseqqittariaqarnerisooq il.il.

Imm. 4. Suliffiup sullivimmi avatangiisaannut pingaaruteqartunik sulinnermi, suleriaatsini sulinnermilu aqqusaartakkani il.il. allannguuteqartoqarneratigut sullivimmik nalilersuineq naleqqussarneqassaaq, taamaattorli kingusinnerpaamik ukiut pingasukkaarlugit.

Imm. 5. Sullivimmik nalilersuineq suliffeqarfimmi pigineqassaaq, suliffeqarfimmi pisortanit, sulinnermik siulersuisunit, sulisuusunit allanit aammalu Sullivinnik Nakkutilliisoqarfimmit atugarineqarsinnaassalluni.

Imm. 6. Sullivinni avatangiisinut inatsit naapertorlugu immikkut ittunik aalajangersimasunik malittarisassaqtinnagu sullivimmik nalilersuineq Sullivinnik Nakkutilliisoqarfimmut nassiunneqaraniluunniit akuerineqassanngilaq.

§ 4. Sullivimmi nalilersuinnermik suliaqarnissaminut sulisitsisooq pisariaqartitamik nammineq ilisimasaqanngippat sulisitsisooq immikkut ilisimasalimmik tamatuminnga isumaginnissinnaasumik pissarsiussaaq.

Imm. 2. Naak immikkut ilisimasalimmit ikiorserneqartoqaraluartoq sullivimmik nalilersuinnermik suliaqartoqarnissaannut, aammalu § 2-mi aamma § 3, imm. 1-5-imi piumasaqaataasut naammassineqarnissaannut sulisitsisooq akisussaassuuvooq.

Kapitali 3

Immikkut akuersisarneq naammagittaalliorsinnaanerlu

§ 5. Sullivinnik Nakkutilliisoqarfimmi pisortap, immikkut ittunik pisussaqaartillugu, akuerisaarsinnaavaa nalunaarummi matumani aalajangersakkanik saneqqutsinissaaq tamanna naammaginarlunilu

isumannaalluinnartutut isumaqarfiginartillugu.

§ 6. Nalunaarut manna malillugu aalajangiinerit Kalaallit Nunaanni sullivinni avatangiisit pillugit inatsimmi § 64 malillugu naammagittaalliutaasinnaapput.

Kapitali 4

Pinerluttulerinermik inatsisitigut pineqaatissiissutissat

§ 7. Kalaallit Nunaanni pinerluttulerinermik inatsit malillugu pineqaatissiissutissat eqqartuussutaasinnaapput

1) § 2-mik, § 3, imm. 1-5-imik aamma § 4-mik unioqqutitsisunut,

2) nalunaarummi aalajangersakkat naapertoulugit peqqussutaasunik malinninngitsoq, imaluunniit

3) nalunaarut malillugu immikkut akuerineqarnermi atugassarititanik sumiginnaasunut.

Imm. 2. Pineqaatissiissutissat sakkortussusilerniarneranni sakkortusaatitut naatsorsuunneqassaaq,

1) unioqqutitsinerup piaaraluneernikkut imaluunniit mianersuaalliorujussuarnikkut pisimanera,

2) unioqqutitsinikkut inuunermik peqqissutsimilluunniit ajoqusiisoqarsimanera tamatumunngaluunniit aarlerinartorsiortitsisoqarsimanera,

3) pissutsit taama ittunut taakkununngaluunniit assingusunut siussinnerusukkut peqqussuteqartoqareersimanera, imaluunniit

4) unioqqutitsinikkut pineqartup imminut allanulluunniit aningaasatigut iluanaarutississimanera imaluunniit siunertaralugu iluanaarniarsimanera.

Imm. 3. § 2-mit, § 3, imm. 1-5-imit. § 4-mit. aamma § 7, imm. 1, nr. 2-3-imik, unioqqutitsinermut sulisitsisoq akisussaataaassaaq, unioqqutitsineq pineqartumut piaaraluneernertut imaluunniit mianersuaalliornertut tutsinneqarsinnaanngikkaluarpalluunniit. Akisussaatsinissamut patsisissaassaaq unioqqutitsinerup inummut imaluunniit inunnut arlalinnut sullivimmut attuumassutilinnut imaluunniit sullivimmut taamatut ittillugu tutsinneqarsinnaanissaa. Aalajangersagaq manna malillugu akiliisitsinissani atortuutinneqassanngilaq Kalaallit Nunaanni pinerluttulerinermik inatsimmi § 91, imm. 4.

Akiliisitsissutissat annertussusilerneranni imm. 1, nr. 2-4, taamatulli atortuutinneqassapput.

Imm. 4. Unioqqutitsinerit allat sinnerlugit inatsisitigut ingerlatsisuusunit, tamatumani aamma ingerlatsivinnit aktie-, anparts- aamma andelsselskabinit, soqutigisaqaqatigiit piginneqatigiiffinit, peqatigiiffinit, aningaasaateqarfinit, pigisanik isumaginnittunik, kommunenit, kommunit peqatigiiffinit, Kalaallit Nunaanni kommunalbestyrelsit nunaqarfinnilu aqutsisut il.il. pillugit Inatsisartut inatsisaanni § 64-imi pineqartunit unioqqutitsineruppata Namminersornerullutik Oqartussanit aamma naalagaaffimmit unioqqutitsissutaasunit taamaattutut akiliisussanngortitaasinnaapput.

Kapitali 5

Atuutilernera

§ 8. Nalunaarut atuutilissaaq ulloq 1. januar 2008.

Imm. 2. Sulisitsisunut, isumannaallisaanermik peqqissutsimillu sulinerмик aqqissuussinissamut pisisusaaffeqanngitsunut nalunaarut atuutilissaaq ulloq 1. januar 2009.

JENS JENSEN

/Charlotte Skjoldager

Ilanngussaq 1

Pinaveersaartitsinermik tunngaviit nalinginnaasut

Sulineramik nalaanni sulisuusut isumannaatsuunerinut peqqissusaannillu pitsanngorsaanermut periutsit tullinnguuttut maluginiagassaapput:

- 1) Aarleqqutaasinnaasunik pinaveersaarineq.
- 2) Aarleqqutaasinnaasunik pinaveersaarneqarsinnaanngitsunik naliliineq.
- 3) Pinngorfini aarleqqutaasut akiorneqarneri.
- 4) Sulinerup inummut naleqqussarnera, ingammik suliffeqarfiup ilusilersorneranut, kiisalu sulinermit atortut toqqartornerinut aammalu sulinermit tunisassiornermilu periutsinut atatillugu, ingamillu sulinermit assigiiaartuusunik aammalu aalajangersimasumik tulleriiaarisunik annikillisaanissaq, aammalu taamatut sulinerup peqqissutsimut sunniutaanik annikillisaanissaq siunertaralugit.
- 5) Teknikkikkut ineriartornermik sianiginnineq.
- 6) Ulorianartut uloriananngitsunik imaluunniit ulorianannginnerusunik taarsersorneri.
- 7) Pinaveersaarinerup ataatsimoortuusutut ataqatigiissutut iluseqartilissallugu pilersaarusiornera, pinaveersaartitsinermiissallutik tekniikki, sulinerup aqqissuunnera, suliffimmi pissutsit, inuit akornanni ataqatigiinerit aammalu sullivimmi avatangiisini atuuttunit sunniuteqaatit.
- 8) Inuit ataasiakkaat illersornissaannut periusissat pinnagit inuit tamaasa illersornissaannut periusissanik akuersissutiginnissaat.
- 9) Sulisuusut naleqquttumik ilitsersorneqarneri.

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat
Naalakkersuisut